

Piginnaasat procentinullu killiliussat, eqqakkanik ulorianartunngortitsisut

Eqqakkat ulorianartutut isigineqassapput, %-inut killiliussani, tabel 2-mi allaaserineqartuni a-taaseq amerlanerusulluunniit piginnaasanik ukuninnga (tabel 1) takutitsippata. Eqqakkat akuleriippata, taakkulu ilaat akuutissanik ataatsinik amerlanerusunilluunniit, piginnaaneqarfissanut naammassinnittunik imaqarpata, naliliinermi akuutissat matuma kinguliani allanneqartut akuusut ataatsimoortinneqarnissaat eqqarsaatigineqassaaq.

Tabel 1: Piginnaasat

H1	Qartuujasut: akuutissat pilersitallu ikualanermik sunnerneqarunik qaarsinnaasut, imaluunniit dinitrobenzenimut naleqqiullugu aporneqarnissamut tagiunneqarnissamullu sunnertianerusut
H2	Ikuallatsitsisinnaasut: akuutissat pilersitallu, akuutissanik allanik, pingaartumik akuutissanik ikuallajasunit, kallarneqarnermikkut kissarnermik sakkortuumik pilersitsisinnaasut
H3-A	Ikuallajasut: akuutissat pilersitallu imerpalasut, 21 °C inorlugu kissannerminni ikummarsinnaasut (tassunga ilanngullugit imerpalasut ikuallajasuararsuit ilaatinneqarlutik)
	akuutissat pilersitallu, silaannarmik nalinginnaasumik kissassuseqartumik atassuteqarnermikkut nukimillu pilersorneqanngikkaluarlutik kissartumik pilersitsisinnaasut, tamatumalu kingorna ikuallassinnaasut
	akuutissat pilersitallu manngertut, ikummartitsisinnaasumut sivikitsumik attuunnerminni ikuallajasinnaasut, taassumalu peerneqarnerata kingorna ikualaannarsinnaasut aamaaginnarsinnaasulluunniit
	akuutissat pilersitallu gassitut ilusillit, silaannarmi nalinginnaasumik naqitsinilimmi ikummarsinnaasut
	akuutissat pilersitallu, imermik silaannarmilluunniit isugutattumik attorneqarnerminni gassinik ikuallajasunik ulorianartumik annertussusilinnik pilersitsisinnaasut
H3-B	Ikuallassinnaasut: akuutissat pilersitallu imerpalasut, minnerpaamik 21 °C-mi annerpaamillu 55 °C-mi ikummarsinnaasut
H4	Attukkaminik iluaallortitsisinnaasut: akuutissat pilersitallu neriuinngitsut (uutitsisangitsut), toqqaannartumik, sivisuumik uteqattaartumillu attuaneqarnerminni ameramik ameraasamilluunniit aseruutsitsisinnaasut
H5	Peqqissutsimut ajoqusiisinnaasut: akuutissat pilersitallu najuunneqarnerminni iineqarnerminniluunniit imaluunniit ameramik pitaanerminni killilimmik ulorianaateqarsinnaasut
H6	Toqunartut: akuutissat pilersitallu (tassunga ilanngullugit akuutissat pilersitallu toqunartut)

	torujussuit), najuunneqarnerminni iineqarnerminniluunniit, imaluunniit ameramik pitaanerminni tassangaannartumik imaluunniit ataavartussamik ajoquseerujussuarsinnaasut, allaalluunniit toqussutaasinnaasut
H7	Kræfteqalersitsisinnaasut: akuutissat pilersitallu, najuunneqarnerminni iineqarnerminniluunniit, imaluunniit ameramik pitaanerminni kræftimik pilersitsisinnaasut imaluunniit kræftilernissamut ulorianartorsiortitsinerulersinnaasut
H8	Neriuisartut: akuutissat pilersitallu uumasut ipiutaasaannik atuinerminni aseruisinnaasut
H9	Tunillaassinnaasut: akuutissat pilersitallu, tappiorannartunik uumasinnaasunik taakku-luunniit toqunartortaannik akoqartut, inunni uumasunilu allani napparsimalersitsisinnaasutut ilisimaneqartut ilimagineqarsinnaasulluunniit
H10	Toqunartunik pilersitseqqissinnaasut: akuutissat pilersitallu, najuunneqarnerminni iineqarnerminniluunniit, imaluunniit ameramik pitaanerminni inunnguutsumik, kingornuttagaangitsumik innarluuteqalernermik kinguneqarsinnaasut, taamatulluunniit pisoqarnissaanik annertusititsisinnaasut
H11	Naajartornerlutsitsisinnaasut: akuutissat pilersitallu, najuunneqarnerminni iineqarnerminniluunniit, imaluunniit ameramik pitaanerminni innarluutinik kingornuttakkanik pilersitsisinnaasut, taamatulluunniit pisoqarnissaanik annertusititsisinnaasut
H12	Eqqakkat, imermik, silaannarmik imaluunniit syre-mik attorneqarnerminni silaannarnik toqunartunik imaluunniit toqunartorujussuarnik pilersitsisinnaasut
H13	* Sapigaqalersitsisinnaasut: akuutissat pilersitallu, najuunneqarnerminni iineqarnerminniluunniit, imaluunniit ameramik pitaanerminni sapigaqalernermik pilersitsisinnaasut, taamaalillunilu akuutissanik pilersitanillu sunneqqinneqarnermi ilisarnaatinik nalinginnaasunik pilersitsisinnaasut
H14	Avatangiisinut toqunartut: Eqqakkat, avatangiisini nassaassaasumut ataatsimut amerlanerusunulluunniit erninnaartumik tamatumaluunniit kingorna ulorianartorsiortitsisinnaasunik kinguneqartut kinguneqarsinnaasulluunniit
H15	Eqqakkat, suujunnaarsinneqarnermik kingorna akuutissanik allanik kinguneqarsinnaasut, soorlu erroruinermi piginnaasat matuma siuliani taaneqartut ilaannik pilersitsisinnaasut

* Misileraariaatsinik peqartoqarpat

1-imiit 14-imut piginnaasanik nalilersuineramik paasinninnissamik ilitsersuutaasinnaasutut tunngavissat, *akuutissanik akuleriissanillu suussusersisarneq, nalunaarsuisarneq poortuisarnerlu pillugit Europa-Parlament-ip aamma Siunnersuisoqatigiit peqqussutaat (EF) nr. 1272/2008, 16. december 2008-meersumi* allassimasut ilaatinneqarsinnaapput.

Procentinut killiliussat, eqqakkanik ulorianartunngortitsisut.

Eqqakkat akuleriissitanik akullit, akuutissanik ataatsinik amerlanerusunilluunniit akullit ulorianartuunersut naliliiffiginarlugu, piginnaasat (1-imiit 15-imut), matuma siuliani taaneqartut tamarmik eqqarsaatigineqassapput.

Qanorluunniit pisoqaraluarpat eqqakkat ulorianartuussapput,

– eqqakkat 55° inorlugu nallerluguluunniit kissassusilimmi ikummarsinnaappata, imaluunniit:

– akuutissap ataatsip arlallilluunniit, piginnaasanik matuma siuliani taaneqartunik pilersitsisut inernerat akuleriinni nassaassaasoq procentinut killiliussat (oqimaassutsimut procentit) uku naleqqatigippagu annertuneruppalluunniit:

Tabel 2: Piginnaasat	%
Toqunartorujussuaq (R26, R27, R28, R39)	0,1
Toqunartoq (R23, R24, R25)	3
Toqunartoq (R48, R39)	1
Peqqissutsimut ulorianaatilik (R20, R21, R22)	25
Peqqissutsimut ulorianaatilik (R48)	10
Neriuisoq (R35)	1
Neriuisoq (R34)	5
Attukkaminut iluaallortitsisartoq (R36, R37, R38)	20
Attukkaminut iluaallortitsisartoq (R41)	10
Malussajatitsisoq (R42, R43)	1 ¹⁾
Kræfteqalersitsisinnaasoq, suussuseq 1 imaluunniit 2 (R45, R49)	0,1 ¹⁾
Kræfteqalersitsisinnaasoq, suussuseq 3 (R40)	1 ¹⁾
Naajartornerlutsitsisartoq, suussuseq 1 imaluunniit 2 (R46)	0,1 ¹⁾
Naajartornerlutsitsisartoq, suussuseq 3 (R68)	1 ¹⁾
Pilersitseqqinnermut ajoqusiisinnaasoq, suussuseq 1 imaluunniit 2 (R60, R61)	0,5 ¹⁾
Pilersitseqqinnermut ajoqusiisinnaasoq, suussuseq 3 (R62, R63)	5 ¹⁾
Avatangiisinut ulorianaatilik, imermi avatangiisit (R50, R51, R52, R53) aamma pinngortitami ataqatigiit allat (R54, R55, R56, R57, R58, R59)	aalajangersarneqanngilaq
Tunillaassinnaasoq	aalajangersarneqanngilaq
Allat	aalajangersarneqanngilaq

¹⁾ Kimittussutsimut killiliussaqa akuutissat ataasiakkaat piginnaasaannut pineqartunut atuuppoq.